

IMAQARNILIAQ MAA - Meeqqanut Atuarfeqarnermullu Ataatsimiititaq 11-01-2023

Ulloq ataatsimiiffissaq Onsdag 11. januar 2023 kl. 19:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Nuummi atuarfik meeqqerivillu nutaaq.....	6
Lukket.....	10
Kommuneqarfik Sermersuumi meeqqerivinnik namminersortunik nakkutillineq 2022.....	11
Taasariaqartut allat.....	14
Imaqarniliap akuerineqarnera.....	15

Punkt .: Saqqaa

Ilaasortat:

Juaaka Lyberth (IA), *siulittaasooq*

Poul Petersen (D), *siulittaasup tullia*

Mia Skifte Lynge (IA)

Finn Karlsen (N)

Dorthe-Marie Mogensen-Fontain (S)

Beslutning

Ataatsimeeqataasut tamarmik najuupput.

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Siulittaasumiit nalunaarutit:

- Siunissami ilaqutariit pillugit ataatsimeersuarnermi ataatsimiititamit arlallit kommunimi sulisut peqatigalugit peqataapput. Isumassarsiorluarfioqaaq.

Ingerlatsivimmit ilisimatitsissutit

- Atuarfiliorneq pilersaarutit malillugit siuariartorpoq sanaartorfimmilu alakkaasoqarnissaanut pilersaarusiortoqarluni. Meeqquerivimmi aqutisussamik atuarfiullu pisortassaanik sulisortaarnissamut allagarsiussinissaq ingerlatsivimmit suliarineqareerpoq. Piaartumik allagarsiunneqassapput.
- Ukioq atuarfiusumut 2023/24-mut atualertussat pilersaarusiortugit ingerlanneqarput. Atualertussarpassuupput taamaammat immikkut klassimik pilersitsisoqartariaqarpoq. USK-imi atualertussat pingasoqiusanngorlugit agguataarneqassapput. Atuarfittaami klassinut tallimanut inissaqarpoq (ASK-imiit marluk aamma USK-imiit pingasut).

Punkt 1: Nuummi atuarfik meeqqerivillu nutaaq

Beslutning

Ilisimatitsissut tusaatissatut tiguneqarpoq.

Bilag

Nuummi illoqarfiup atuarfiata nutaap aqqissuussaanikkut takussutissartaa



Nuummi atuarfik meeqqerivillu nutaaq

Aaqqissuussaannissaannik kattunnissaannillu ilisimatitsissut
Ilisimatitsissut

SagsID.: EMN-2022-09583

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Nuup qeqqani nutaamik atuariortoqarluni meeqqeriviliortoqarpoq. Atuarfik atuartunut atuareernerup kingorna ornitagalisaavoq (AKO) aammalu immikkut ittumik atuartitanut immikkoortotaqarluni. Atuarfimmu meeqqerivimmullu sanaartornermi takorloorneqarpoq pitsaassuseq ilikkagaqarfiusunillu avatangiiseqarnissaq ukkatarineqassasut, meeqqat inuusuttullu ingerlalluarnissaannut, peqqissusaannut, ineriartornerannut ilikkagaqarnissaannullu ikorfartuutaasussat. Atuarfik 2024-mi naammassineqassaaq, meeqqerivillu 2023-mi.

Suliamik saqqummiussisummi matumani ilisimatitsissutigineqarput atuarniup nutaap meeqqeriviullu atuutilersinneqarnissaasa tungaanut suliap ingerlanerata ilaa, tamatumunnga ilanngullugu aqutsinikkut aaqqissuussaaneq, atorfinitsitsinerit, illup iluani aaqqissuussineq aammalu suliffeqarfinnik kattutsitsinerimi ataqatigiissitsineq.

Kattutsitsinerup ingerlanissaa - atuarfinnik atuareernerullu kingorna ornitakkanik kattussineq

Nuummi atuarfimmik nutaamik pilersitsisoqarnerata kingunerissavaa, Atuarfik Ukaliusaq (USK)-imi sulisut atuartullu aammalu Atuarfik Samuel Kleinschmidt (ASK)-imi sulisut atuartullu ataatsimoortillugit kattutsinnissaat aammalu 1-3 klassini atuareernerup kingorna ornittakkat AKO Illu-mi aamma AKO Narsarmiutaq-mi sulisut meeqqallu ataatsimoortillugit kattutsinnissaat.

Tamanna sulisunut, meeqqanut angajoqqaanullu annertuumik allannguutaassaaq. Ilaatigut suliffinni assigiinngitsuni sulisut suleqatigiilersussat imminnut ilisarismallualerniassammata suliffimmilu ileqqussanik ataatsimoorfeqalerniassammata 2021-p naaneraniilli kattunnissamat atatillugu ataavartumik periarfissiisoqartarpoq, tamatumani suliffeqarfinni assigiinngitsuni sulisut suleqatissaminnik ilisarismanninnerulernissaat aammalu sulinerimi ataatsimoortumik ileqqussaminnik nutaanik pilersitsinissaat anguniarlugu.

Tamatuma saniatigut kattuttoqarnissaanut piareersarnerit ilaatigut makkununga atorineqartarput:

- Suliap ingerlanerani toqqissisimatitsinissaq
- Sulisut sanaartornermik atuarfittaassamullu pilersaarutinut tunngasunik paasitinneqarnissaat
- Ileqqunik, takorluukkanik naleqartitanillu ataatsimoorussanik pilersitsinissaq
- Suliatigut saqqummiussat gruppikkaarlunilu suleqatigiinnissaq aqputigalugit isumassarsiortitsinerit
- Atuartunik kattutsitsinissamat pilersaarusernerit angajoqqaanullu paasissutissiisarnissaq
- Init allallu aaqqissuunneqarnissaannut atortulersornissaannullu immersueqataaneq



Atuarfinni sulisut sinniisaat kattunnissamut suliap ingerlanerani pilersaarusoqataapput, 2024-mi atuariup atuutilersinneqarnissaata tungaanut ingerlasussamik.

Atuariup aqutsisoqarneratigut aaqqissuussaaneq

Atuarfik atuarfinnut pioreersunut marlunnut sanilliullugu angininngorlugu sananeqassaaq. Tamanna pissaaq siunissami Nuummi atuartunngortussat amerliartornissaat ilutigittinniarlugu. Imaappoq, atuarfik aallaqqaammulli sisamaqiusatut atorineqassaaq 950-t missaannik atuartoqarluni, kisiannili ungasinnerusoq eqqarsaatigalugu atuartunut 1.200-nut inissaqassaaq, tallimaqiusatut ingerlalluni.

Atuarfissuaq pineqarmat, aqutsisoqarnerup tungaanut atuarfik qanoq aaqqissuussaassanersoq sukumiisumik eqqarsaatersuutigineqartariaqarsimavoq. Taamaattumik Meeqqanut Atuarfeqarnermullu Ingerlatsiviup IMAK ataavartumik oqaloqatigisarpaa, aammalu Danmarkimi Savalimmiunilu atuarfinni angisuuni suleqateqarnermigut isumassarsiortarlunilu misilittakkanik pissarsiniartarluni.

Atuariup angissusia eqqarsaatigissagaanni pingaaruteqarluinnarpoq, atuariup ataatsimoortumik aqutsisoqarnissaa, ataqatigiissitsisinnaasumik aammalu ataatsimoorussamik perorsaanermi aqutsinissamut ilusiliinissamullu pilersitsisinnaasumik. Ilanngussaq 1-imi aaqqissuussaannermut takussutissami takuneqarsinnaavoq, atuariup inspektøriata saniatigut viceskoleinspektørimik trinini tamani tamakkiisumik sulisartussamik atorfinitsitsisoqassasoq, akisussaaffigalugit perorsaanermut tunngasunik aqutsisuunissaq. Tassunga ilanngullugu allaffissorinikkut aqutsisoqassaaq, taaguuteqarluni kontorchef, allaffissornermik isumaginnittussamik, taamaasillunilu skoleinspektørip viceskoleinspektørilla perorsaanermut tunngasunik suliaqarnerunissaannik periarfissillugit.

Aamma aalajangerneqarnikuuvoq, AKO-mi (Atuareernerup Kingorna Ornittakkami) aqutsisunngortussaq skoleinspektørimut atassasoq, taamaasilluni AKO-mi aqutsisoq atuarfimmi aqutsisoqatigiinnut tamanut ilaalersillugu, tamarmiullutik nukarliit AKO-llu akornanni qanimut suleqatigiittoqarnissaa qulakkiissammassuk aammalu meeqqanut nukarlernut ikaarsaariarnermi pitsaasunik pilersitsillutik.

2023-mi meeqqerivimmi aqutsisumik skoleinspektørimillu atorfinitsitsineq

Meeqqerivimmi aqutsisumik skoleinspektørimillu atorfinitsitsinissamut allagarsiissut 2022-mi decembarimi saqqummiunneqassaaq, 2023-mi februaarimi marsimiluunniit atorfinittussanngorlugit.

Pingaaruteqarpoq, meeqqerivimmi atuarfimmilu aqutsisunik atorfinitsitsinerup piffissaalluarallartilugu pinissaa, taamaasillutik aqutsisunngortussat sulisunik atorfinitsitsinissat tungaanut piareersaaqataaniassammata naleqartitanik anguniakkanillu suliaqarnissaminnut ininillu aaqqissuussiniassammata.

Allannguilerneqarpoq ingerlanneranut suliffeqarfiillu sisamaasut ataatsimoortinneqarnissaannut skoleinspektørinngortussap annertuumik atuuffeqarnissaa pingaarnerpaatinneqarpoq, tamatumani ukkatarineqassallutik sulisut, atuartut angajoqqaallu.

Tamatuma saniatigut aqutsisunngortussat perorsaanikkut ilikkarniarnikkullu erseqqissunik tunaartaliissapput, qulakkiissallugulu, sulisut sinaakkutini nutaani sulinissaminnut piareersimanissaat.

Sanaartornermik paasisaqarneq – Sanaartorfiusumut takuniaaneq, aaqqissuunneqarnera takuniarlugu nittartakkamilu paasisutissiineq

Nuummi atuarfissap sanaartornerata killiffia uaniilermat, atuarfimmi, meeqqerivimmi aamma AKO-mi sulisut atuarfissaq ammarpat sungiusimanerussammassuk ataavartumik alakkarternissaanut



kaajallaatinneqarnissaannut qaaqusaasalerput, taamaasillutik ammarpat ilikkareersimaniassammassuk. Alloriarnerup tullerissavaa, atuartut, atuarfinni siulersuisut immaqalu angajoqqaat sanaartorfiusumut takuniaanissaat.

2022-mi decembarip qiteqqunnerani workshoppertitsisoqassaaq, meeqqerivittaassap aaqqissuunneqarnissaa eqqarsaatigalugu. Inini aaqqissuussinermik siunnersortit peqatigalugit ulluunerani neqeroorutini sulisut MISI-lu peqatigiillutik, meeqqerivimmi init perorsaanermik sulinermut aammalu meeqqat sapinngisamik pitsaasumik ineriartuutaasumik eqeersaataasumillu sinaakkuteqartinneqarnissaannut ikorfartuutaanissaat qulakkiissavaat.

Meeqqeriviup nutaap 2023-mi ammarneqarnissaanut atatillugu meeqqeriviit pioreersut atorunnaarsinneqarnissaat naatsorsuutigineqanngilaq. Imaappoq, meeqqerivittaap ammarneqarneranut atatillugu nutaanik 96-inik inissaqalissaaq, apeqqutaassalluni init arfinillit ilaat qassit, meeraaqqerivinniittussanut meeqqerivinniittussanullu atorneqassanersut.

Kommuneqarfik Sermersuup nittartagaani 2022-mi decembarip qiteqqunneraniit atuarfiliorneq meeqqeriviliorneerlu pillugit aammalu kattutsitsinissaaq pillugu atuagassartaqassaaq.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaaq allakkallu tunngaviusumik uppernarsaatillit

- Atuarfik pillugu Inatsisartut inatsisissatut siunnersuut nr 15, 3 December 2012-imeersoq
- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissat nr 15 3 decembari 2012-imeersoq
- Kommuneqarfik Sermersuumi atuarfiup meeqqeriviullu sanaartorneqartut kattutsinneqarnissaannut pilersaarut
- Ulluunerani neqeroorutinut immikkoortumi pilersaarut 2022-2030

Ilanngussat

1. Nuummi illoqarfiup atuarfiata nutaap aaqqissuussaaniikkut takussutissartaa

Punkt 2: Lukket

Punkt 3: Kommuneqarfik Sermersuumi meeqqerivinnik namminersortunik nakkutilliineq 2022

Beslutning

Inassuteqaat akuersissutigineqarpoq.



Kommuneqarfik Sermersuumi meeqqerivinnik namminersortunik nakkutillineq 2022

Meeqqerivinnik namminersortunik nakkutillineq, ukuusut Meeqqerivik Mikisoq, Meeqqerivik Sulunnguit aamma Esther Børnhave

Ilisimatitsissut

SagsID.: EMN-2022-09509

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr 16, 3 december 2012-meersumi § 5, imm 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Kommuneqarfik Sermersuumi kommunip ulluunerani neqeroorutigisartagaasa saniatigut namminersortunik meeqqeriveqarpoq. Meeqqeriviit namminersortut pingasuupput taakkulu Nuummiipput; meeqqeriviit marluk aamma ukioqatigiinngiiaanut meeqqerivik. Taakku Kommunalbestyrelsimut akuerisaapput kommunimiillu ingerlatsinermut tapiissutisarlutik.

Meeqqeriviit namminersortut

Meeqqeriviit namminersortut tassaapput: Esther Børnehave (3-6-inut ukiulinnut) 20-nik meerartaqarpoq sisamanillu sulisoqarluni, Meeqqerivik Sulunnguit (3-6-inut ukiulinnut) 20-nik meerartaqarpoq sisamanillu sulisoqarluni, kiisalu ukioqatigiinngiiaanut Meeqqerivik Mikisoq (0-6-inut ukiulinnut) 35-nik meerartaqarpoq arfineq-pingasunillu sulisoqarluni.

Meeqqerivinnik namminersortunik nakkutillineq kommunimi perorsaanikkut siunnersortinit suliarineqartarpoq. 2022-mi maajip qaammataani meeqqeriviit tamarmik nakkutigineqarput. Kingorna nakkutilliinermut nalunaarusiat aqutsisunut nassiunneqarput.

Nakkutilliinerit ataatsimut isigalugit

Perorsaanikkut sulineq

Meeqqeriviit ukiumut pilersaaruteqartarput ukiullu qanoq ilinera nalinginnaasumik sammisassaqartitsinikkut ingerlatsivigisarlugu. Neqeroorutitut ersarissumik takorluukkanik peqanngilaq, taamaattoq silamiittarnek, kulturi kiisalu timi aalanerlu ukkatarineqarput. Akuersaartumik perorsaaiaaseqarnissaq aallaavigalugu sulipput. Tunngaviit arfineq-marluk aallaavigalugit sulisartut arlaannaataluunniit oqaatiginngilaa. Perorsaanertalimmik timersorneq aamma Kammagiitta tamani atuuppoq.

Angajoqqaanik suleqateqarnerit

Meeqqeriviit tamarmik angajoqqaat siulersuisuannik peqarput taakkulu ulluunerani neqeroorummut siunnerfiliisarput. Qaammatit pingasukkaarlugit ataatsimiittarput. Atuisunik ataatsimiititsineq ukiumut marloriarlugu ingerlanneqartarpoq kiisalu angajoqqaanik ataasiakkaarineq ataavartumik ingerlanneqartarluni.

Meeraq

Meeqqamik misissuinermi MIIM, TRAS aamma RABU atorneqartarput. Meeqquerivimmi ataatsimi TRAS aamma RABU taamaallaat atorneqarput MIIM ilisimaarineqanngimmat.

Kommunimi meeqqerivinni tamani, aamma namminersortuni, MIIM aamma Meeqqap mappiata atorneqarnissaat inatsisitigut pituttugaapput, nakkutilliisullu aqutsisumut tamanna pillugu ilisimatitsivoq.

Tamarmik MISI-mik suleqateqarput sunillu neqerooruteqartuusartut ilisimasaqarfigalugu.

Atualernissamut piareersaatilik sammisaqartitsisoqartarpoq tamarmiullutillu atuarfimmuut pulaartarlutik. Marluk Nuuk International Friskolemik suleqateqarput, pingajuallu ASK aamma sunngiffimmi ornittakkamik Illumik suleqateqarluni.

Meeqqeriviit marluk imminnut ungasinnginnamik ukiumut arlaleriarlutik naapittarput. Meeqqat assersuutigalugu pinnguartarfimminni pinnguaqatigiittarput.

Sulisut

Meeqqanik innarliisimanginnermut uppersaasatit tamatigut qulakkeerneqartarput. Meeqqerivinni tamani sulisut aalajaatsuupput. Meeqqeriviit ilaanni ataasiinnarmi MUS-imik oqaloqatigiinnerit aalajangersimasutut ingerlanneqartarput. Meeqqerivinni marlunni oqaatigineqarpoq, sulisunik ulluinnarni atugarissaarnermut tunngasunik oqaloqatiginnikkajuttarlutik.

Meeqqerivinni tamani sulisunut pikkorissaanernut kommunimi ingerlanneqartunik peqataasarnissamut soqutiginnipput.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmuut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaasatillit

- Meeqqanut sulit atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr 16, 3 december 2012-meersoq

Ilanngussat

1. Kal Tilsyn Mikisoq
2. Kal Tilsyn Esther
3. Kal Tilsyn Sulunnguit

Punkt .: Taasariaqartut allat

Beslutning

12 - 15 april 2023-mi ataatsimiititaliaq Tasiilamut angalanissaanut siunnersuutigineqartoq siulittaasup ilisimatitsissutigaa.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:13